

Esikoululuokka oon sinun lapsele

ESITE ESIKOULULUOKASTA





Sinun lapsi alkaa esikoululuokkaan

Tämä esite antaa sulle informasuunia esikoululuokasta ja siitä mikä tehtävä esikoululuokkala oon.

SIE OLET TÄRKEÄ

Sie olet se joka oon sinun lasta lähhiimpännä. Sen takia sinun mielipitheet oon tärkeät esikoululuokassa. Jos sie sanot mitä sie tykkäät, pärsunaalila oon helpompi antaa juuri sinun lapsele sen mitä se tarttee.

Ennenkö saatat olla matkassa vaikuttamassa, sinun tarttee tietää mitenkä esikoulu-
luokan pittää toimia.



Menhään samoja tavohteita kochi

Määräykset esikoululuokasta oon niin koululaissa ko opetusplaanissa.

Koululain yheksäs kapitteli koskee esikoululuokkaa. Siinä sanothaan muumuassa ette esikoululuokan pittää stimyleerata oppilhaitten kehitystä ja oppimista ja valmistaa heitä jatko-opiskelhuin. Esikoululuokan koulutus pittää olla ilhmainen, mutta siinä saapi essiintyä yksittäisiä osia joista oppilhaile saattaa seurata rohki pieni kostanus. Esikoululuokka sisältää vähhiinthään 525 tiimaa ja sitä piethään lukuvuen jossa oon syystärmiina ja kevätärmiinä.

OPETUSPLAANI

Maan hallitus oon lyöny lukhuun uuen, yhtheisen opintoplaanin peruskoulule, esikoululuokale ja vapaa-ajankotile (fritidshem). Opetusplaanii alko jällaahmaan syystärmiinasta 2011.

Erityiskoulula ja saamekoulula oon omat opetusplaanit, jotka pääasiassa oon samat ko peruskoulun. Lapset saattava käyä esikoululuokkaa erityiskouluissa ja saamekouluissa kans.

Perus-apukoululaki (-sär-) oon oma opetusplaanii joka pääasiassa oon sama ko peruskoulun opetusplaanii. Perus-apukoulun opetusplaanissa ei kuitenkhaan ole esikoululuokkaa.

Kaks ensimmäistä ossaa – Koulun arvopohja ja tehtävä ja Ylheiset tavohteet ja suunta-viivat – jällaava esikoululuokkaa ja vapaa-ajankotia. Opetusplaanin kolmas osa – Kursi-plaanii koulun aiheile – ei jälla esikoululuokkaa ja vapaa-ajankotia ko niissä opetus ei tapahtu oppitiima- eli aineopetusmu´ossa. Lukemalla opetusplaanin kaks ensimmäistä ossaa, saat tietää mitä sie saatat oottaa ja vaatia esikoululuokalta. Kaikki esikoululuokat pittää seurata opetusplaanii.

OIKEUS ESIKOULULUOKHAAN

Kaikila lapsila Ruottissa oon oikeus käyä esikoululuokkaa siittä syystärmiinasta lähtien ko net täyttävä kuus vuotta. Kunta, jossa tet asutta, häätyy tarjota paikan sinun lapsele. Sulle ja sinun lapsele esikoululuokka taas oon vapaaehtonen. Lapsen saapi ottaa vasthaan ennen sitä vuotta ko se täyttää kuus vuotta, joka antaa joustavan (flexibel) alun. Esikoululuokassa ei siis ole koulupakkoa.

Oon olemassa kunnalisia, valtiolisia ja vaphaita (fristående) esikoululuokkia. Kunnalisista esikoululuokista vastaa poliittisesti valittu lautakunta. Vapaa-esikoululuokista vastaa niitten johtokunta. Esikoululuokat erityiskouluissa eli saamekouluissa oon valtiolisia.



Askel kerralhaan elämänpituudessa oppimisessa

I Esikoululuokassa saatetaan yhittää esikoulun ja koulun työtapa ja metutiikki. Se on yks esikoululuokan tarkoitus ja se antaa esikoululuokalle oman itentiteetin. Tässä kaks toimintaa, joissa on samanlaisuuksia ja kans eroja, kohtaava ja muo´ostava kolmanen – toiminan jolla lapsen pärspektiivistä on parhaat osat kahesta mailmasta. Saattaa sanoa ette esikoululuokka on silta esikoulun ja koulun välillä.

Esikoululuokala pittää olla temokraattinen pohja. Se on päänänsä sitä ette pärsunaali pittää saa aikhaan avomen ja temokraattisen ilmapiirin, jossa jokhainen oppilas pittää saa tuntea oman ja toisitten arvon.

Esikoululuokan pittää stimyleerata kaikitten oppilhaitten kehitystä ja oppimista ja valmistaa heitä opiskelemaan etheenkäsin ja kans eesauttaa niitten harmoonista kehitystä. Leikkiminen, luominen ja tutkiminen on tärkeitä osia koulutuksessa ja oppilhaitten halun ja uteliaisuuden häätty ottaa taltheen. Lähtökohta on ette kehitys ja oppiminen tapahtuu koko aijan ja kaikissa tilantheissa.

Esikoululuokan koulutus pitää antaa oppilaille mahdollisuuden kehittyä opetusplaaniin toisen osan yleisiä tavoitteita kohti. Nämä tavoitteet jätetään koko peruskouluajan, eikä ne saata olla täytetty vielä silloin ko esikoululuokka-aika on ohi, mutta esikoululuokan toiminta saattaa monella lailla auttaa oppilaita kehittymään tavoitteita kohti. Joitakin esimerkkejä niistä tavoitteista on ette jokainen oppilas ko hään on käynyt läpi peruskoulun:

- kunnioittaa toisista ihmisistä oma-arvoa,
- saattaa puhua ja kirjoittaa ruutuun kieltä rikhaalla ja nyansseeratulla tavalla,
- saattaa käyttää matemaattista ajattelua ko jatkaa opiskelua ja kans arkielämässä, ja
- ottaa henkilökohtaisen vastuun omista opinnoista ja omasta työmiljööstä.



Joka esikoululuokka on ainutlaatuinen

Opetusplaaniin pitää karanteerata ette kaikki oppilhaat saava samanarvosen koulutuksen esikoululuokassa, huolimatta siitä missä ne asuva. Mutta työtavat saattava olla erilaiset eri esikoululuokissa. Mikä passaa yhele esikoululuokale, ei piain toimi toisessa. Toiminta häätyy anpassata oppilhaitten mukhaan eikä mikhään oppilasryhmä ole niinku joku toinen.

Kunnala, valtiolla eli vaphaan esikoululuokan johtokunnala oon lopulinen vastuu esikoululuokasta. Sie saatat kääntyä niitten puohleen jos tullee semmosia prupleemia joita sie ja pärsunaali eli rektori itte että saata ratkasta.

Yhteistyötä kotitten kans

Opetusplaaniin mukhaan esikoululuokan opettajilla oon vastuu siitä ette sinun kans yhteisneuvotelhaan ja ette sinua säänlisesti informeerathan sinun lapsen koulutlantheesta, triivastumisesta ja tietokehityksestä ja heän häätyy kans pittää ittensä tietosinna sinun lapsen henkilökohtasesta tilantheesta.

Tämän saatta tehdä monela eri tavala; viikkopreivitten, vanhempainkokkouksitten ja semmositten kautta, mutta kans antamalla maholisuuen arkipäiväselle keskustelule. Sie saatat aina tahtoa informasuunia eli muula mallin näyttää kiinnostusta sinun lapsen ja esikoululuokan toiminalle. Sie saatat kans kertoa jos oon tapahtunnu jotaki erikoista josta pärsunaalin oon hyvä tietää.

Koululain mukhaan sinun, sinun lapsen ja hänen opettajitten häätyy vähhiinhään kerran lukuvuen aikana pittää kehityskeskustelun sinun lapsen kehityksestä ja oppimisesta. Opetusplaaniin pittää olla tukena keskustelule.





Vill du läsa hela läroplanen?

Läroplanen bör finnas i alla förskoleklasser. Du kan beställa eller ladda ned läroplanen på Skolverkets webbplats www.skolverket.se

ISBN: 978-91-87115-47-9
Grafisk form: AB Typoform
Foto: Michael McLain:
Skolverket 2012

Skolverket